



UPA16/52
25. april 2016
Iddimanggiu Bianco

Danmarkimi politini pisartutut Kalaallit Nunaanni politiit nalunaaruteqartoqarneraniit qisuariarnissap tungaanut piffissamik atorneqartartumik nalunaarsuisalernissaat pillugu Naalakkersuisut danskit inatsisinik atortitsinermut ministerianut attaveqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Siullermik Inuit Ataqatigiinniit qujarusuppugut siunnersuuteqartumut Justus Hansen.

Inuit Ataqatigiinni soqutigilluinnakkatta ilagaat Nunatsinni politeeqarnikkut pitsanngorsaajuarnissaq innuttaasut toqqissisimasumik sullinneqarnissaa anguniarlugu.

Akisussaaffik tigutinnagu pisariaqartuassooq Danskit justitministeriat aammattaaq rigspoliteeqarfik allallu attuumassuteqarsinnaasut qanimut suleqatigiinnissaq anguniartuassallugu.

Inuit Ataqatigiinniit aamma paaserusutatta ilagivaat Nunatsinni Danskillu Nunaanni assigiinngissutsit nalilersorneqarnissaat. Tassuunalu anguniarneqaqqullugu naligiinnerusumik ingerlatsisinnaaneq.

Soorunami periarfissat assigiimmik ingerlanneqarsinnaannginnerat ilisimaarivagut pissutsit assigiinngilluinnartut piummata Nunatsinni Danmarkimilu.